



UNIVERSITÄTS-  
BIBLIOTHEK  
PADERBORN

**Theses Theologicæ De Gratia, Libero Arbitrio,  
Prædestinatione, &c. In Qvibus Doctrina Theologorum  
Societatis Jesu contra Corn. Jansenii [Iansenii]  
Augustinum Defenditur**

**Derkennis, Ignatius**

**Antwerpiae, 1641**

Art. VI. An pro omnibus hominibus mortuus sit Christus?

---

[urn:nbn:de:hbz:466:1-73715](https://nbn-resolving.org/urn:nbn:de:hbz:466:1-73715)

## ARTICVLVS VI.

An, &amp; quo pacto Christus pro omnibus mortuus sit?

I ANSENIVS.

THEOLOGI SOCIET.

I. **C**hristus, non pro totius mundi redemptione, crucifixus, & mortuus est; sed tantum pro iis qui saluantur. Tomo 1. lib. 8. cap. 26. col. 546.

I. **C**hristus pro totius mundi peccatis, propitiatus datus est, & pro omnium redemptione mortuus: non solum quoad sufficientiam pretij, quod omnibus applicari posset: sed ex sincera voluntate, ut omnibus, quantum est ex parte sua, passionis suæ fructus proueniat.

II. Proderit illi necessariò Christi sanguis, & mors, pro quo sanguinem illum fuderit, & mortuus fuerit: & cui nullo modo prodest, pro illo, nec sanguinem fudit, nec mortuus est. To. 3. lib. 3. c. 20. col. 387.

II. Sanguinem Christi, pro illis etiam fusum esse, & mortem susceptam, quibus nullo modo prodest, testatur Conc. Trid. his verbis: *Et ille pro omnibus mortuus est: non omnes tamen, mortis eius beneficium recipiunt.*

III. Christus, pro infidelium in infidelitate morientium, aut iustorum non perseverantium salute mortuus non est, nec sanguinem fudit, nec semetipsum redemptionem dedit, nec Patrem orauit: imò non magis pro eterna liberatione ipsorum, quam pro diaboli deprecatus est. Tom. 3. col. 390. eod. cap.

III. Cùm & infideles, media, quibus credere possint, & iusti, suâ culpâ non perseveraturi, gratiam, atque in ea ius ad regnum, ex meritis Passionis Christi acceperint: pro eorum salute, verè mortuus est Christus.

IV. Argumentum, pro gratia sufficiente omnium, sumptum ex eo quòd Christus sit redemptor omnium, & pro omnibus crucifixus, & mortuus, usque ad nauseam, à Pelagianis, præsertimq; Massiliensibus inculcatum fuit: ut mirum sit, recentiores tanto studio, trita Hæreticorum arma colligere, & obsoleta recudere. Tomo 3. ibid. col. 379. & 380.

IV. Expositio, quam Iansenius adhibet, circa id, quòd Scripturæ dicunt, Christum omnium esse redemptorem: nimirum sufficienter tantum, quo pacto etiam pro demonibus se dedisse redemptionem dici posset, aut pro omni genere hominum tantum: omnes nostri sæculi Nouatores patronos habet: ut mirum sit, Iansenium sectariorum armis, iis non iam obsoletis, sed etiamnum receter ab incude Gebennensium candentibus, se accingere voluisse.

Consonant hæretici nostri temporis. CALVINVS in 1. Ioan. 2. v. 2. Item in cap. 17. Ioan. SYNODVS CONTRA-REMONSTRANTIVM cap. 2. art. 6. BEZA in Theibus de sacrificio apud Malderum in Ante-synodis cap. 7. CHAMIERVS Bezae discipulus Tomo 3. lib. 9. cap. 13. in titulo.

BOQVINVS, PINCERIVS, & CLEBITIVS apud Coccium Thesauri Catholici Tomo 1. lib. 2. art. 7. HIERONYMVS SANCHVS in Miscellanea doctrina in 1. Ioan. 4. SIMON SIMONIVS contra Schegkum in lib. 2. fol. 24. CONTRA-REMONSTRANTES in Specimine Amstelrodam. art. 43.

FIDEI GENEVANÆ CLYPEVS in Dialogo 4. apud FEVARDENTIVM in Theomachia Calamitosa lib. 5. cap. 15. BENEDICTVS ARETIVS parte 2. problematum fol. 868.

SCRI-

SCRIPTVRE

Pro doctrina Societatis contra Iansenium.

**I**SAT. 53. v. 6. Posuit Dominus in eo iniquitatem omnium nostrum.  
 ROM. 5. v. 18. Sicut per vnus delictum in omnes homines in condemnatione: sic & per vnus iustitiam in omnes homines in iustificationem vitæ. Sicut enim per inobedientiam vnus hominis peccatores constituti sunt multi: ita & per vnus obediendum, iusti constituentur multi.

*Obserua energiam antithese: sic iustitia Christi omnibus hominibus impensa est, sicut peccatum Adæ omnibus obfuit.*

ROM. 8. v. 32. Qui etiam proprio filio suo non pepercit, sed pro nobis omnibus tradidit illum.

1. CORINTH. 8. v. 11. Peribit infirmus in tua scientia frater, propter quem Christus mortuus est.

*Ex quo sic syllogizat Malderus in Anti-synodico cap. 7. n. 8. Nullus electus perit. Aliquid propter quem mortuus est Christus, perit: ergo aliquis propter quem mortuus est Christus, non est electus.*

2. CORINTH. 5. v. 14. & 15. Estimantes hoc, quoniam si vnus pro omnibus mortuus est, ergo omnes mortui sunt, & pro omnibus mortuus est Christus: vt & qui viuunt, iam non sibi viuunt; sed ei, qui pro ipsis mortuus est, & resurrexit.

*Chm ex generalitate remedij concludat Apostolus generalitatem mali, necesse est, aqñe latè patere remedium, ad parum malum. Atque adeo pro ipso omnibus mortuum esse Christum, qui in Adamo mortui sunt. Quod si enim minus latè pateat remedium, quàm malum, collectio huiusmodi erit: Si decem hominibus oblata est medicina, ergo mille agri fuerunt. Quam inconsequentiam quis non videt? consequentiam autem quam statuitur ex mente Apostoli, multis exaggerat Augustinus. 6. contra Iulianum cap. 4. & 9.*

1. TIM. 2. v. 1. & 5. Obsecro omnium orationes fieri pro omnibus hominibus &c. vnus enim Deus, vnus & mediator Dei & hominum homo Christus IESVS, qui dedit redemptionem semetipsum pro omnibus.

*Ratiocinatio Apostoli hac est: Ideo pro omnibus orandum, quia vnus omnium Deus, & vnus omnium mediator; nec plurium Deo, quàm mediator.*

1. TIM. 4. v. 10. Qui est Saluator omnium hominum, maxime fidelium.

*Si maxime fidelium, cerè etiam infidelium.*

HEB. 2. v. 9. Videmus IESVM propter passionem mortis, gloriæ & honore coronatum: vt gratia Dei pro omnibus gustaret mortem.

1. IOAN. 2. v. 2. Ipse est propitiatio pro peccatis nostris: non pro nostris autem tantum, sed etiam pro totius mundi.

*Hanc locum Concilium Triad. accipit sub distributione generica. sess. 6. cap. 2. & 3.*

CONCILIA

Pro doctrina Societatis contra Iansenium.

**T**RID. sess. 6. cap. 3. Etsi ille pro omnibus mortuus est, non omnes tamen mortis eius beneficium recipiunt: sed ij dumtaxat, quibus meritum passionis eius communicatur.

*Vides numero eorum, pro quibus mortuus est Christus, comprehendi eos, qui mortis eius beneficium non recipiunt.*

SYNODVS VALENTINA III. cap. 5. Firmissime tenendum credimus, quod omnis multitudo fidelium ex aqua & Spiritu sancto regenerata, in Christi sanguine sit à peccatis suis abluta; quia nec in eis potuit esse vera regeneratio, nisi fieret vera redemptio. & infra: Ex ipsa tamen multitudine fidelium redemptorum, alios saluari æternâ salute; alios, quia redemptionis gratiam potius irritam facere, quàm seruare elegerunt, ad plenitudinem salutis, & ad perceptionem æternæ beatitudinis, nullo modo peruenire.

*Quæ ergo fide exaggerat Iansenius huius Synodi solum caput 4. quasi doceat pro solis saluandis, mortuum Christum: non poterat nescire hoc decretum capite 5. comprehensum, in quo disertissimis verbis traditur Christus redemptor etiam reproborum. desinat ergo huius Concilij auctoritate pro se vitæ, aut aqñe contra se esse fatetur.*

Tom. 1. lib. 8. cap. 26. col. 548.

## Pro doctrina Societatis contra Iansenium.

**D**IONYSIVS AREOPAG. Epist. 8. ad Demoph. Ipsam vitam suam pro transfugis profudit.

*Transfugas generaliter intelligi patet ex toto discursu eiusdem epistola, & reuelatione Carpe facta, qua ibidem refertur.*

CLEMENS ALEX. lib. 7. Stromatum pag. 2. Seruator est, non horum quidem, aut illorum; sed omnium.

CYPRIVS lib. de opere & elemosyna, sic inducit diabolum in die iudicii, de suis seruis iactantem. Ego pro istis nec alapas accepi, nec flagella sustinui.

*Vana exprobratio, nisi Christus etiam pro reprobis mortuus est.*

CYRILLVS HIEROS. Catechesi 18. Multimoda sanè quædam relicta est ratio consequentia vitæ æternæ propter illius passionem, &c. ut omnes, quantum in ipso est, absque impedimento, illa potiri possent.

GREGORIUS NAZIANZENSIS orat. 25. in Arianos: Omnes, citra ullam exceptionem instaurati sumus, qui eiusdem Adam participes sumus.

*Audiri citra ullam exceptionem.*

AMBROSIVS LI. de Iacob, & vita beata cap. 6. in illa verba ad Rom. 8. Pro nobis omnibus, tradidit illum. Mirè addidit, pro omnibus: ut ostenderet quòd ita omnes diligit, ut dilectissimum filium pro singulis traderet.

IDEM Tom. 4. in psalmum 48. circa 1. Tim. 2. v. 5. Per Hominem Dominum IESVM intelligamus, qui suscepit hominis conditionem, ut in carne suâ, peccatum omnium crucigeret, & chirographum vniuersorum suo cruore deleteret.

IDEM Tomo 4. ser. 8. in psalm. 118. v. 64. Mysticus sol ille iustitiæ omnibus ortus est, omnibus venit, omnibus passus est, & omnibus resurrexit: idè autem passus est, ut tolleret peccatum mundi. Si quis autem non credit in Christum, generali beneficio ipse se fraudat: ut, si quis clausis fenestris radios solis excludat, non idè sol non est ortus omnibus, quia calore eius seipse fraudauit; sed quòd solis est, prærogatiuam suam seruat: quòd imprudentis est, communis à se gratiam lucis excludit.

IDEM Tomo 4. lib. de Paradiso cap. 8. Venerat Dominus IESVS, omnes saluos facere peccatores: etiam circa impios, ostendere suam debuit voluntatem, & idè nec produrum debuit prætereire. & infra: Quod in Deo fuit, ostendit omnibus, quod omnes voluit liberare.

HIERONYMVS Ep. ad Ocean. de Digamia. Mentitur Ioannes Baptista & digito Christum, & voce demonstrans: Ecce agnus Dei, ecce qui tollit peccata mundi; si sunt adhuc in sæculo, quorum Christus peccata non tulerit.

*At qui iuxta Iansenium, per pauci sunt, & grex pusillus, quorum Christus peccata tulit; cum non sit mortuus, nisi pro solis saluandis.*

CHRYSOSTOMVS I. ad Tim. 2. Hom. 7. Quomodo illi non crediderunt, quia noluerunt suas tamen ille partes executus est, dum pro eis in cruce penderet.

AVGVSTINVS in Ioannem tract. 4. sub init. Populi autem spernentes, propter superbiam suam, humilitatem Dei, crucifixerunt saluatorem suum, & fecerunt damnatorem suum, Ecce quorum, quantum in se est, Saluator est patièdo, eorumdem damnator est punièdo.

IDEM de Symb. ad catechumenos lib. 2. cap. 8. Videtis vulnera, quæ infixistis? agnoscitis latus, quod pupugistis? quoniam & per vos, & propter vos, apertum est, neque tamen intrare voluistis.

*Liquet querelam dirigi ad reprobos: quia illi soli per penitentiam intrare noluit latus Christi.*

IDEM in Psal. 68. v. 27. Proiecit pretium argenti, quo ab illo Dominus venditus erat, nec agnouit pretium, quo ipse à Domino redemptus erat.

IDEM lib. 6. contra Iulianum cap. 4. Vnus (inquit Apostolus) pro omnibus mortuus est, ergo omnes mortui sunt, ostendens fieri non potuisse, ut moreretur nisi pro mortuis. Ex hoc enim probauit omnes mortuos esse; quia pro omnibus mortuus est vnus. Impingo, inculco, infatigo recusanti. . . . Vnus pro omnibus mortuus est, ergo omnes mortui sunt. Vide, quia consequens esse voluit, ut intelligantur omnes mortui, si pro omnibus mortuus est. Quia ergo non in corpore, restat ut in peccato esse mortuos omnes, si pro omnibus Christus mortuus, nemo neget, nemo dubitet, qui se non negat, aut dubitat esse Christianum.

*Ibidem cap. 9. Apostolus vnum dixit fuisse, in quo omnes peccauerunt: in illo vno, mortui sunt*

sunt omnes, vt moreretur alius vnus pro omnibus. Vnus enim pro omnibus mortuus est: ergo omnes mortui sunt, pro quibus Christus mortuus est. *Vide cetera & similia, de peccatorum meritis, & remissione lib. 1. cap. 27.*

*Cui hae legenti dubium esse potest de mente Augustini: si hae legerit Iansenius, lector Augustini tam diligens, qui bona fide egresso credat, qui luculentia adeo testimonia neglexerit?*

PROSPER lib. 2. de vocat. Gentium. cap. 16. Nulla ratio dubitandi est: IESVM Christum Dominum nostrum pro impiis & peccatoribus mortuum; à quorum numero si aliquis liber inuentus est, non est pro omnibus mortuus Christus; sed prorsus pro omnibus mortuus est Christus.

IDEM *ibid.* cap. 31. Elaboratum est, quantum Dominus iuuit, vt non solum in nouissimis diebus; sed etiam in cunctis retrò saeculis probaretur, gratiam Dei omnibus hominibus adfuisse: quoniam siue manifestè, siue occultè, Ipse est, vt Apostolus ait, *Saluator omnium hominum, maxime fidelium.* Quae sententia subtilissima breuitatis, & validissimi roboris, si tranquillo consideretur intuitu, totam hanc, de qua egimus, controuersiam dirimit. Dicendo enim, quia *Saluator omnium*, confirmauit bonitatem super vniuersos homines esse generalem.

IDEM ad Capitula Gall. obiectione 9. Cum rectissime dicatur, Saluator pro totius mundi redemptione crucifixus, propter veram humanæ naturæ susceptionem, & propter communitatem omnium in primo homine perditionem: potest tamen dici, pro his tantum crucifixus quibus mors ipsius profuit.

*Nimirum efficaciter: pro aliis sincerè quidem, ac ineffaciter: nam alioqui aperta erit contradictio.*  
IDEM in praefatione, ad obiectiones Vincentianas dicit omnes illas esse ineptissimarum blasphemiarum prodigijsa mendacia, & impias ac profanas opiniones, quarum prima est quod Dominus noster IESVS Christus non pro omnium hominum salute, & redemptione sit passus.

*Est ergo Prospero blasphemia & mendacium quod Iansenio dogma Catholicum.*  
IDEM in responsione ad obiectionem 1. Vincentianam: Quod ergo ad magnitudinem, & potentiam pretij, & quod ad vnam pertinet causam generis humani; Sanguis Christi redemptio est totius mundi. Et infra: Poculum quippe immortalitatis (*Sanguis Christi*) habet quidem in se, vt omnibus profuit; sed si non bibitur, non medetur.

*Quid his pronuntiat in rem nostram luculentius & hic est Prosper ille, quem tam accuratum Augustiniana doctrina assertorem toties, & tam exaggeratè inculcat Iansenius.*

LEO PAPA serm. 1. de Natiuit. Domini. Dominus noster peccati mortisque destructor, sicut nullum à reatu liberum reperit, ita liberandis omnibus venit.

IDEM de Passione Domini serm. 3. Sic ad omnium redemptionem utebatur malitiâ persequentium, vt in mortis eius resurrectionisque Sacramento, etiam interfectores sui possent salui esse, si crederent.

IDEM de Pass. serm. 11. Pro omnibus impiis mortuo Domino, potuisset etiam hic (*Iudas*) consequi remedium, si non festinaisset ad laqueum.

IDEM Ep. 83. ad Episcopos Palaest. Effusio pro iniustis Sanguinis iusti, tam potens fuit ad privilegium, tam diues ad pretium, vt, si vniuersitas captiuorum in redemptorem suum crederet, nullum tyrannica vincula retinerent: quoniam (sicut Apostolus ait) *vbi abundauit peccatum, superabundauit & gratia*: & cum sub peccati prauiudicio nati, potestatem acceperint ad iustitiam renascendi, validius factum est donum libertatis, quam debitum seruitutis.

*Atque hic est Sanctissimus ille Pontifex, qui solo Xysto mediante, Pontificibus illis successit, qui Pelagium, & Semi-Pelagianos damnauerunt, quis Catholicus suspicari ausdebis, ab eorum sensu fuisse alienum?*

ILDEPHONSVS serm. 5. de Assumptione. Non audent (vt opinor) ministri tartarei hodie attingere suos captiuos, quos recolunt redemptos illius Sanguine, qui pro mundi salute dignatus est nasci de virgine.

## DD. SCHOLASTICI

## Pro doctrina Societatis contra Iansenium.

THOMAS in 1. Tim. 2. v. 4. Ier. 1. Homo Christus est mediator Dei, & hominum: non quorundam, sed inter Deum, & inter omnes homines; & hoc non fuisset, nisi vellet omnes saluare.

IDEM *ibid.* in fine 1. Iection. Ipse est propitiatio pro peccatis nostris, pro aliquibus efficaciter; sed pro omnibus sufficienter: quia pretium sanguinis eius est sufficiens ad salutem omnium; sed non habet efficaciam, nisi in electis, propter impedimentum.

IDEI*M* ad Hebræos 2. v. 9. in illud: Pro omnibus gustaret mortem. Pro omnibus, dupliciter intelligi potest, & c. vel absolute pro omnibus, quantum ad sufficientiam, & c. in cuius probationem, adfert locum Apostoli 1. ad Tim. 4. qui est Saluator omnium, maxime fidelium. & Chryso- stomi: Pro omnibus hominibus generaliter mortuus, quia omnibus pretium sufficit, etio- mines non credunt, ipse tamen quod suum est implevit.

SCOTVS in 3. dist. 29. q. vñca. Hanc approbat sententiam Leonis Papæ scim. 1. de Natiuitate: Sicut à reatu nullum liberum reperit, sic liberandis omnibus venit.

IVDOCVS COCCIVS in Thesaurò Catholico lib. 2. art. 7. Quòd Christus non pro omnibus generaliter mortuus sit, adscribit Hæreticis.

FRANCISCVS FEVARDENTIVS Theomachia Caluinistica lib. 5. cap. 15. idem confirmat.

## ACADEMIA LOVANIENSIS

### Pro doctrina Societatis contra Iansenium.

**R**VARDV*S* TAPPERV*S* art. 6. Louan. §. Iterum obiicitur. Est Christus quodam modo Saluator, & Redemptor omnium hominum; & alio quodam multorum tantum, & non omnium: qui modi, explicantur per efficaciam, & sufficientiam: in causa, & eum effectus: simpliciter, & sub conditione.

*Antè insinuaerat pretium numeratum esse pro non electis; sub conditione paratum, & deputatum solutioni, sed non applicatum, defectu scilicet conditionis expleta ex parte eorum.*

MALDERV*S* Episcop. Antwerp. 1. 2. q. 3. art. 3. dub. 5. memb. 1. §. Sanè. Opinio illa Caluinistarum, que negat pro omnibus & singulis hominibus Christum mortuum esse, toleranda non est.

IDEI*M* in Antisynodico cap. 7. num. 3. sub finem; Beza eandem blasphemiam cum suis defendit, nempe Christum pro solis electis mortuum. Verendum, ne tandem cum Turcis homines isti dicant, pro nemine Christum esse mortuum.

IDEI*M* infra num. 12. Vocat hunc errorem, verè grauem, & propriè Antichristianum.

CORNEL. IANSENI*V*S Episcopus Gaudens. Concord. Euang. cap. 30. Optabat quoddammodo omnium omnino salutem pro omnibus mortuus.

## ARTICVLVS VII.

### An Christus orarit Patrem pro solis electis, an etiam pro reprobis.

#### IANSENI*V*S. THEOLOGI SOCIET.

**I.** Vanum est & stultum, (Christum) pro talibus (reprobis) saluandis serià voluntate pati ac mori. Vanum est, pro talibus à perditione decreta liberandis offerre Patri vota, preces, mortem, ac sanguinem suum. Mortis enim, ac sanguinis oblatio, est quoddam efficacissimum rogandi genus. Tom. 3. lib. 3. cap. 20. col. 389.

II. Ex quo factum est, ut non magis Patrem pro aterna liberatione ipsorum, quam pro diaboli deprecatus fuerit. To. 3. ibidem col. 390.

**I.** Christus etiam pro reprobis, quorum peccata in cruce tulit, Patrem rogauit, quamquam isti, non item vt electi, orationis huius, sicut nec mortis, beneficium perceperint.

II. Mors Christi efficacissimum fuit rogandi genus; qui ergo pro omnibus mortuus, pro omnibus orauit.